



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲՆԱԴԱՀՊԱՆՈՒԹՅԱՆ ՆԱԽԱՐԱՐՈՒԹՅԱՆ
ԲՆԱԴԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ ՄԱՐՄԻՆ**

Ո Ր Ո Շ ՈՒ Մ № 494/03-Ա

**ՎԱՐՉԱԿԱՆ ԻՐԱՎԱԽԱԽՏՄԱՆ ՎԵՐԱԲԵՐՅԱԼ ԳՈՐԾԻ ՎԱՐՈՒՅԹԸ ԿԱՐՃԵԼՈՒ
ՄԱՍԻՆ**

05 հոկտեմբերի 2017թ.

ք.Երևան

Հայաստանի Հանրապետության բնապահպանության նախարարության
բնապահպանության և ընդերքի տեսչական մարմնի ղեկավար Եղիշ Տերտերյանս
քննության առնելով Հովհաննես Համլետի Դավթյանի վերաբերյալ հարուցված վարչական
վարույթի նյութերը

Պ Ա Ր Զ Ե Ց Ի

2017 թվականի սեպտեմբերի 20-ին ստացվել է Հայաստանի Հանրապետության
բնապահպանության նախարարության «Դիլիջան» ազգային պարկ» պետական ոչ
առևտրային կազմակերպության «Շամախյան տեղամաս» մասնաճյուղի 5-րդ պահաբաժնի
անտառապահ Ա.Մարտիրոսյանի 2017 թվականի օգոստոսի 22-ի թիվ 068
անտառխախտման արձանագրությունը, համաձայն որի 2017 թվականի օգոստոսի 22-ին
հայտնաբերվել է Հովհաննես Համլետի Դավթյանի կողմից ապօրինի հատած թվով մեկ
հատ «Բոխի» և մեկ հատ «Կաղնի» տեսակների, համապատասխանաբար՝ 32 և 26
սանտիմետր տրամագծով թաց կանգուն ծառ: Նշված ծառերը հատելով Հովհաննես
Համլետի Դավթյանի պետությանը պատճառել է 148.880 Հայաստանի Հանրապետության
դրամի չափով նյութական վնաս:

Դիլիջան» ազգային պարկ» պետական ոչ առևտրային կազմակերպության տնօրենի
2017 թվականի սեպտեմբերի 12-ի թիվ 26-642-Ն գրություն հիման վրա հարուցված
վարչական վարույթի շրջանակներում 2017 թվականի սեպտեմբերի 22-ին Հայաստանի
Հանրապետության բնապահպանության նախարարության բնապահպանության և
ընդերքի տեսչական մարմնի իրավական աջակցության և փաստաթղթաշրջանառության
բաժնի գլխավոր մասնագետ Ազատ Մուրադյանի կողմից կազմվել է վարչական
իրավախախտման վերաբերյալ թիվ ԻԲ-16 արձանագրությունը:

2017 թվականի սեպտեմբերի 11-ին ստացվել է Հայաստանի Հանրապետության ոստիկանության Տավուշի մարզային վարչության Դիլիջանի բաժնի թույլտվության համակարգի ավագ տեսուչ, ոստիկանության կապիտան Ա.Անդրեասյանի 2017 թվականի սեպտեմբերի 1-ի «Քրեական գործ հարուցելը մերժելու մասին» որոշումը, համաձայն որի 2017 թվականի օգոստոսի 22-ին Հայաստանի Հանրապետության Տավուշի մարզի Դիլիջան քաղաքի, Այգեստան փողոցի, 1-ին նրբանցքի, 3-րդ տան բնակիչ Հովհաննես Դավթյանին իրականացրել է թվով 1 հատ «Բոխի» և 1 հատ «Կաղնի» տեսակների համապատասխանաբար՝ 32 և 26 սմ. տրամագծերով ծառերի հատում, ինչի հետևանքով պետությանը պատճառված վնասի չափը կազմել է 155.000 Հայաստանի Հանրապետության դրամ, որը Հովհաննես Դավթյանի կողմից չի վերականգնվել:

Նկատի ունենալով, որ Հովհաննես Դավթյանի արարքում բացակայում է Հայաստանի Հանրապետության քրեական օրենսգրքի 296-րդ հոդվածով նախատեսված հանցագործության հատկանիշները, սակայն վերջինիս արարքում առկա է Վարչական իրավախախտումների վերաբերյալ Հայաստանի Հանրապետության օրենսգրքի 66-րդ հոդվածով նախատեսված հատկանիշներ, Հայաստանի Հանրապետության ոստիկանության Տավուշի մարզային վարչության Դիլիջանի բաժնի թույլտվության համակարգի ավագ տեսուչ, ոստիկանության կապիտան Ա.Անդրեասյանի կողմից մերժվել է քրեական գործի հարուցումը և գործի նյութերն ուղղվել է Հայաստանի Հանրապետության բնապահպանության նախարարության բնապահպանության և ընդերքի տեսչական մարմին՝ վարչական պատասխանատվության հարցը լուծելու համար:

Վարչական իրավախախտման գործի քննությամբ հաստատվել է, որ Հովհաննես Դավթյանն իր գործողություններով խախտել է Հայաստանի Հանրապետության անտառային օրենսգրքի 60-րդ հոդվածի 1-ին մասի «բ» կետի պահանջները, որի համար նախատեսված է վարչական պատասխանատվություն՝ Վարչական իրավախախտումների վերաբերյալ Հայաստանի Հանրապետության օրենսգրքի 66-րդ հոդվածով սահմանված սանկցիայի համաձայն Հայաստանի Հանրապետության բնապահպանության նախարարության բնապահպանության և ընդերքի տեսչական մարմնի ղեկավարի 2017 թվականի սեպտեմբերի 27-ի թիվ ՎՏ/13-Ա «Վարչական տուգանք նշանակելու մասին» որոշմամբ Հովհաննես Համլետի Դավթյանի նկատմամբ նշանակել է վարչական տուգանք՝ սահմանված նվազագույն աշխատավարձի հարյուրապատիկի չափով՝ 100.000 (հարյուր հազար) Հայաստանի Հանրապետության դրամ:

Համաձայն Վարչական իրավախախտումների վերաբերյալ Հայաստանի Հանրապետության օրենսգրքի 247-րդ հոդվածի 8-րդ կետի՝ վարչական իրավախախտման վերաբերյալ սկսված գործը ենթակա է կարճման, եթե նույն փաստի վերաբերյալ առկա է վարչական պատասխանատվության ենթարկվող անձի նկատմամբ վարչական տույժ նշանակելու մասին իրավասու մարմնի որոշում:

Նկատի ունենալով որ նույն փաստի վերաբերյալ Հովհաննես Համլետի Դավթյանի նկատմամբ արդեն իսկ առկա է վարչական տույժ նշանակելու մասին որոշում, ուստի «Դիլիջան» ազգային պարկ» պետական ոչ առևտրային կազմակերպության «Շամախյան տեղամաս» մասնաճյուղի 5-րդ պահաբաժնի անտառապահ Ա.Մարտիրոսյանի 2017 թվականի օգոստոսի 22-ի թիվ 068 անտառխախտման արձանագրության հիման վրա հարուցված վարչական վարույթը ենթակա է կարճման:

Ելնելով վերոգրյալից և ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 242-րդ հոդվածով և 247-րդ հոդվածի 8-րդ կետով

Ո Ր Ո Շ Ե Ց Ի

1. Կարճել Հովհաննես Համլետի Դավթյանի նկատմամբ «Դիլիջան» ազգային պարկ» պետական ոչ առևտրային կազմակերպության «Շամախյան տեղամաս» մասնաճյուղի 5-րդ պահաբաժնի անտառապահ Ա.Մարտիրոսյանի 2017 թվականի օգոստոսի 22-ի թիվ 068 անտառխախտման արձանագրության հիման վրա հարուցված վարչական իրավախախտման վերաբերյալ գործի վարույթը:

2. Սույն որոշումն օրինական ուժի մեջ է մտնում մասնակիցներին հանձնելու պահից:

3. Սույն որոշումը կարող է բողոքարկվել վերադատության կամ դատական կարգով որոշումը հանձնելու (հանձնված համարվելու) օրվանից հետո՝ երկամսյա ժամկետում:

Ղեկավար՝



Ե. Տերտերյան